

元楚晉

中史文

記檣春

補逸机秋



元 中 記

補 逸

郭 璞 撰
郭 泮 輯

AWT 360 / 1403

王雲五主編

叢書集成初編

晉文春秋及其他二種

中華民國二十五年六月初版

發行人

王

上海河南路

雲

五

印刷所

商

上海河南路

務

印書館

發行所

商

上海及各埠

務

印書館

(本書校對者胡達聰)

一四四五上

最

元中記

郭氏撰

霹靂磻

玉門之西南羗之東有一國。國中有山。山上有祠廟。國人五六百戶。無他事役。歲歲出石磻數千枚。輸廟中。名為霹靂磻。給霹靂用。從春雷出磻日減。至秋而盡。御覽十三卷五十二七百九十七引作

案封氏見聞記云。人間往往見細石。赤色。形如小斧。謂之霹靂斧。云被霹靂處。皆得此物。予曾於小朱山僧海德房中。見一石。與前後所見者皆相類。問將此何用。曰房中大石。往年被霹靂劈為兩段。於霹靂處得此。俗謂之霹靂楔。偶然收之。無所用也。案元中記有霹靂磻云。諸字書檢無磻字。禮記有雜金鑽。牛骨鑽。音為祖含。磻字石傍。與金相類。讀宜同矣。愚案封氏之說未確。宋本御覽十三卷五十二皆引元中記作石磻。惟七百九十七引元中記作石尖。尖當卽鐵之俗字。說文云。鐵。楔也。與封氏所聞霹靂楔之說合。據此。則字當音子廉切。蓋既不得從鑽字。讀祖含音亦不得如吳博士事類賦注所引以霹靂字。讀子林切也。

鍾山石首

北方有鍾山焉。山上有石首。如人首。左目爲日。右目爲月。開左目爲晝。開右目爲夜。開口爲春夏。閉口爲秋冬。御覽三十八

火浣布

南方有炎火山焉。在扶南國之東。加營國之北。諸薄國之西。山從四月而火生。十二月火滅。正月二月三

月火不然。山上但出雲氣。而草木生枝條。至四五月火然。草木葉落。如中國寒時草木葉落也。行人以正月二月三月行過此山下。取此木以爲薪。然之無盡時。取其皮續之。爲火浣布。御覽八百六十八

柴都

東方有柴都焉。在齊國。有山。山有泉水。如井狀。深不測。至春夏時。雹從井中出。常敗五穀。人常以柴塞之。不柴塞則出也。故號爲柴都。御覽十四七十引元中記柴都作柴渚

扶桑木

天下之高者。扶桑無枝木焉。上至天。盤蜿而下屈。通三泉。御覽九百五十五事類賦桑注

水

天下之多者水焉。浮天載地。高下無不至。萬物無不潤。及其氣流屈石。精薄膚寸。不崇朝而澤合靈宇者。神莫與並矣。是以達者不能測其淵冲。而盡其鴻深也。御覽五十九藝文類聚八初學記六水經注後叙

惡燠

天下之強者。東海之惡燠焉。水灌而不已。惡燠者。山名也。在東海南方三萬里。海水灌之。隨盡。故水東流而不盈。藝文類聚八御覽五十二引元中記惡燠作沃燠石六十引作沃焦文選江賦注全

弱水

天下之弱者。崑崙之弱水焉。鴻毛不能載也。御覽六十五史匈奴傳漢書外夷列傳注

洞庭寶室

吳國西有具區澤中有包山有洞庭寶室入地下潛行通琅邪東武御覽四十六初學記八

黃池穴

彭城北有黃池穴如洞室北通王屋山白帖

青城山穴

蜀郡有青城山山有洞穴潛行分爲三道各通一處西北通崑崙御覽五十六一百六十六

伏羲

伏羲龍身文選晉書光殿賦注

女媧

女媧蛇軀全上

狗封氏

狗封氏者高辛氏有美女未嫁犬戎爲亂帝曰有討之者妻以美女封以三百戶帝之狗名槃瓠亡三月而殺女戎之首來帝以爲不可訓民乃妻以女流之會稽東南二萬一千里得海中土方三百里而封之生男爲狗生女爲美女封爲狗民國御覽九百五十四藝文類聚九十四

扶伏民

扶伏民者。黃帝軒轅之臣。曰茹豐。有罪。刑而放之。扶伏而去。後世爲扶伏民。去玉門關二萬五千里。御覽七百九十

奇肱氏

奇肱氏善奇巧。能爲飛車。從風遠行。御覽七百五十二

伊族與唐吾俗民

伊族與唐吾俗民穴居。去玉門一萬里。藝文類聚

朱梧縣民

朱梧縣其民服役。依海際居。產子以沙石自擁。不食米。止資魚以爲生氣。御覽三百六十一

丈夫民

丈夫民殷帝太戊使王英採藥於西王母。至此絕糧。不能進。乃食木實。衣以木皮。終身無妻。產子二人。從背脅閒出。其父則死。是爲丈夫民。去玉門二萬里。全上案山海經海外西經郭注。與此亦同。王英作王孟。

化民

化民食葉。三七年化。能以自裹。如蠶績。九年生翼。十年而死。去琅邪四萬里。御覽八百二十五

案藝文類聚八十八。御覽九百五十五。俱引括地圖作化民食桑。二十七年化。而自裹。據此。則葉上當脫桑字。三字當二十之訛也。

端門送疫

顓頊氏三子俱亡。處人宮室。善驚小兒。漢世以五營千騎。自端門傳炬送疫。棄洛水中。荆楚歲時記

桃人

今人正朝作兩桃人立門旁。以雄雞毛置索中。蓋遺象也。御覽二十九

積石山桃

木子之大者。有積石山之桃實焉。大如十斛籠。御覽九百六十七 齊民要術十 初學記二十八

桃都

東南有桃都山。上有大樹。名曰桃都。枝相去三千里。上有天雞。日初出照此木。天雞即鳴。天下雞皆隨之。御覽九百十八 齊民要術十 藝文類聚九十一

白蒙

東海有樹。名爲白蒙。其汁可爲脂。色白味甘。書鈔脂部

烏柏

荊州有樹名烏柏。其實如胡麻子。擣其汁。可爲脂。其味亦如豬脂。全上 齊民要術引首語下 作其實如雞頭 楚之如胡麻子 其汁味如豬脂

木槿

君子之國。地方千里。多木槿之華。藝文類聚八十九

元菟山花

元菟北有山。山有花。人取紡織爲布。御覽八百二十

大樹山樹

大樹之山。西有採華之樹。服之則通萬國之言。御覽九百五十八

千歲樹

千歲樹之枝。中央下。四邊高。御覽九百五十二

百歲樹

百歲之樹。其汁赤如血。御覽全上藝文類聚八十八

松脂

松脂淪入地中。千歲爲茯苓。御覽九百五十二藝文類聚八十

楓脂

楓脂淪入地中。千秋爲琥珀。御覽八百八十一

樹精

千歲樹精化爲青羊。御覽八百八十六藝文類聚八十八

又

萬歲樹精爲青牛。多出遊人間。御覽類聚引全上

又

秦文公造長安宮。面四百里。南至終南山。山有梓樹。大數百圍。蔭宮中。公惡而伐之。連日不克。輒大風雨。夜有鬼問梓樹。樹曰。豈奈吾何。鬼曰。若使三百人披頭。以絲繞樹。豈不敗汝。樹默然不應。明日。人上言。秦王依此言伐之。中有青牛。逐之。入灃水。御覽九百五十八

又

秦始皇時。終南山有梓樹。大數百圍。蔭宮中。始皇惡之。興兵伐之。天輒大風雨。飛沙走石。人皆疾走。至夜瘡合。有一人中風雨。傷寒。不能去。留宿。夜聞有鬼來問樹。言秦王凶暴相伐。得不困耶。樹曰。來卽作風雨擊之。其奈吾何。又曰。秦王使三百人披頭。以赤絲繞樹。伐汝。得無敗乎。樹淡然無言。疾人報秦王。案言伐斷中央。有一青牛出。逐之。走入於河。于是秦王乃置髦頭騎。御覽六百八

案此與上秦文公事相類。史秦本紀索隱引錄異傳。藝文類聚九十四引列異經。俱作秦文公。不知御覽引元中記。何以一作秦文公。一作秦始皇也。書鈔引元中記。亦作秦始皇。將毋當日所傳異聞。郭氏並載之。抑或後人傳鈔轉刻之誤歟。故兩錄之以俟博雅君子之考訂焉。

又

漢桓帝時。出遊河上。忽有一青牛從河中出。直走。盪桓帝。人皆驚走。木尉何公爲殿中將軍。爲人有勇力。走往逆之。牛目之。反走。還河。未至河。公及牛。乃以左手挽牛足。右手持斧斫牛頭而殺之。此青牛者。萬年之木也。御覽二百三十九

老狐

五十歲之狐爲淫婦。百歲狐爲美女。又爲巫神。御覽九百九

百歲鼠

百歲鼠化爲神。御覽九百十一

又

百歲之鼠化爲蝙蝠。全上初學記二十九

蝙蝠

蝙蝠百歲者倒懸得而食之。使人神仙。水經夷水注

又

百歲伏翼色赤。止則倒懸。千歲伏翼色白。得食之。壽萬歲。御覽九百四十七

千歲燕

千歲之燕。戶北向。藝文類聚九十二西陽雜俎續八

千歲龜

千歲之龜。能與人語。初學記三十

女雀

姑獲鳥夜飛晝藏。蓋鬼車類。衣毛爲飛鳥。脫毛爲女人。名爲天帝少女。一名夜行遊女。一名鉤星。一名隱飛鳥。無子。喜取人子養爲子。人養小兒。不可露其衣。此鳥度卽取兒也。以血點其衣爲驗。故世人名爲鬼鳥。荊州爲多。昔豫章男子見田中有六七女人。不知是鳥。匍匐往。先得其所解毛衣。藏之。卽往就諸鳥。諸鳥各走。就毛衣。衣之飛去。一鳥獨不得去。男子取以爲婦。生三女。其母後令女問父。知衣在積稻下。得衣飛去。後以衣迎三女。三女得衣。亦飛去。御覽八百八十三 九百二十 荆楚歲時記引元中記

又

陽新男子於水次得女雀。遂與共居。生二女。悉衣羽而去。水經注

日復牛

大月氏及西胡有牛。名日復牛。今日割取其肉一二斤。明日其肉復生。創卽愈也。漢人入國。示之以爲珍異。漢人曰。吾國有蟲。大如小指。名曰蠶。食葉爲人吐絲。外國復不信有之。御覽八百二十九百

蛇邱

東海有蛇邱之地。險多漸洳。衆蛇居之。無人民。蛇或人頭而蛇身。藝文類聚九十六

崑崙巨蛇

崑崙西北有山。周回三萬里。巨蛇繞之。得三周。蛇爲長九萬里。蛇居此山。飲食滄海。類聚全上 御覽三十八

員邱大蛇

員邱之上多大蛇。以雄黃精壓之。御覽九百八十八

巨鼈

東南之大者有巨鼈焉。以背負蓬萊山。周回千里。巨鼈巨龜也。御覽三十八初學記三十字文選吳都賦注引鼈巨龜也四十字

東海大魚

東方之東海有大魚焉。行海者一日逢魚頭。七日遇尾。其產則三百里爲血。御覽九百三十六

北海巨蟹

天下之大物。北海之蟹。舉一螯能加於山。身故在水中。御覽九百四十二

案山海經海內北經云。大蟹在海中。郭注蓋千里之蟹也。畢氏校引周書王會。海陽大蟹并孔晁注。海水之陽一蟹盈車。証郭氏說。似不若元中記之奇而確。

蟾蜍

蟾蜍頭生角。得而食之。壽千歲。又能食山精。御覽九百四十九

又

山精如人。一足。長三四尺。食山蟹。夜出晝藏。人不能見。夜聞其聲。千歲蟾蜍食之。御覽八百八十六

水狐

水狐者。視其形。蟲也。其氣乃鬼也。長三四寸。色墨。廣寸許。背有甲。厚三分許。其頭有物向前。七如角狀。見人則氣射。人去二三步卽射人。中十人。六七十人死。御覽九百五十九

又

蜮長三四寸。蟾蜍鸞鷟鴛鴦悉食之。廣韻二十
五德注

玉精

玉精爲白虎。御覽八百
八十六

金精

金精爲車馬。御覽
全上

銅精

銅之精爲僮奴。御覽八百十三
八十六

鉛精

鉛錫之精爲老婢。御覽八百十二
十六廣韻二十三
錫注

又

鉛錫之精爲狐狸。御覽九
百十二

瑪瑙

瑪瑙出月氏國。御覽八百八
文類聚八十四
藝

車渠

車渠出天竺國。御覽類聚並同上

木難

木難出大秦。御覽八百九

頗黎

大秦國有五色頗黎。紅色最貴。御覽八百八

珊瑚

珊瑚出大秦國西海中。生水中石上。初生白。一年黃。三年赤。四年蟲食敗。御覽八百七

金鋼

金鋼出天竺大秦國。一名削玉刀。削玉如鐵刀。削木。大者長尺許。小者如稻米。欲刻玉時。當作大金銀。著手指間。開其背如月。以割玉刀內銀中以刻玉。御覽八百十三

鏡

尹壽作鏡。御覽七百十七

帽

旬始作帽。通志畧

元中記補遺

肉

五肉七菜。勝掩鶉鴉。書鈔
肉部

狐

狐五十歲能變化。百歲爲美女。爲神巫。爲丈夫。與女子交接。能知千里外事。卽與天通。爲天狐。錦繡萬花
谷三十七

案此條載御覽已引見
前文少畧今補載之

梓木楹

凡梓木爲楹。居下則木鳴。謂之爭位。韻府八
庚楹韻

越燕胡燕

越燕斑胸聲小。胡燕紅襟聲大。丹鉛
總錄

